



14145

III

Mag. St. Dr.

P

*Incisor Regm*

*Sublaenus Collegii S. J. Luna redun*

PANEG. et VITAE

Polon. Fol.

*Nr. 189.*



LVNA REDVX

PERILLVSTRIS AC MAGNIFICI  
DOMINI

D. PETRI

De Zurow

DANIŁOWICZ  
INCISORIS REGNI

Post feralem Occasum

*Ad meliorem*

Quia Gloriæ Immortalis Ortum reuocata

*Ac primò*

Per Religiosum Collegij Lubliment Apollinem Salutata

Denum

AD ILLVSTRISSIMVM

D. IOANNEM NICOLAVM  
DE ZVROW

DANIŁOWICZ

Supremum Regni Thesaurarium

Fraternis piè parentantem Bustis deducta  
eidemq; oblata deuotissimè.

Anno à partu Virginis 1645



INSTEMMA GENTILITIVM  
PERILLVSTRIS AC MAGNIFICI DOMINI

D. P E T R I  
DE ZVROW  
DANIŁOWICZ

BIBLIOTH. UNIV.  
MAGELLONICAE



**F**orte volatura steterat fortuna sagitta  
Obuia, & orbis ait sit Tibi meta meus  
Parua haec, ille refert, maiorem querit arundo  
Erret ut illa minus, sit mihi Meta DEVS.

ILLVSTRISSIMO DOMINO,

D. NICOLAO.

De Zurow

DANIŁOWICZ

SVPREMO REGNI

THESAVRARIO

PRÆMISLIENSI SAMBORIENSI &c.

CAPITANEO.

Domino ac Patrono Meritissimo.



Rescentibus dolendi causis, dolorem decreescere  
populariter usu venit Illustrissime Domine  
Hebetari enī videtur animus ad malorū sensū,  
malorum incrementis; atq; ut quo prior quis ac-  
cessit dolor, magnitudinem posteriori videtur  
præripuisse, ita animum quoq; aut occupauisse ne posterior pa-  
rem sibi inueniat vastitatem, aut amplitudinem tantā fecis-  
se, ut in magna domo paruus hospes esse videatur. Verū si hoc  
ita se habet; Esto hic Tuus dolor quem Tibi mors Fratris at-  
tulit primus ultimus accedat doloribus (atq; utinam Superi Fra-  
tre incolumi accessu illū prohibuissent) est tamen eiusmodi ut  
illā primigenij doloris iure sibi vindicare debeat prærogati-  
uam. Nullis enim ærumnis ad dolorem hunc Tuus dedolere  
animus poterat, nullis obtundi, nullis stupefcere ad eius sensum  
malis



malis. Quin potius maxima quidem doloris huius rudimenta, primi dolores erant; cotesq; animi, ad exacuendum illius sensum, ac ideo præcessisse ut parem in animo Tuo hinc metaretur dolori stationem. Quem enim Tu Fratrem amisisti? non nascendi sorte sed optimis animi, ingentiq; dotibus Tibi geminum, & Te fere alterum id est verè Fratrem, Quem Tu Fratrem amisisti? eum quem Orthodoxa fides genuinam sobolem, Patria optimum Togæ Sagoq; Ciuem quem omnes per omnia suum, sed Tu insuper quia Fratrem. Decuissetne verò, nos qui alioqui non defuimus aliis, Tuo non præsto esse dolori, & huius quoq; societatem luctus, quamvis vix socialem, quasi priori lassatos deuitare. Immo verò nunc demum laboranti LVNÆ Vestræ, ita de nobis merita, ut quamvis sanguinis altitudine, omniq; sublimitate longissimè absit, beneficentiâ tamen nobis videatur vicinissima, succurrendum si quo fas, vel hoc saliem timentu fuit, Qui si tantus esse nequit ut singultus Vestros superet, si tamen saltem inter illos percipi vllatenus, ac vel tenuissimè exaudiri possit adhuc erit magnus. Ac quemadmodum prisca Romanorum vetustas non frustra æra auxiliaria se pulsauisse credebatur, cum LVNÆ deficientis lux se quasi ex fuga recipiebat ac victrix ridebat

anhelantes audito carmine bigas;  
Ita nos quoq; multum nobis gratulabimur, si morte Fratris Tui LVNAM Vestram quasi profugam, ita reuocauerimus, ut Tu non alienam sed agnoscas Tuam, & cum illa Reddeat nos, qui esse volumus semper, Tuos.

Illustrissimæ Celsitudinis Tux

Humillimis obsequiis deuotissimum

Collegium Lublinen: Soci I. R. V.

LACRYMÆ  
PARENTALES  
LVNÆ GENTILITIÆ  
PERILLVSTRIS AC MAGNIFICI  
DOMINI,  
D. PETRI  
De Zurow  
DANIŁOWICZ  
INCISORIS  
REGNI

Quas vbi illa  
Cum alijs auitis sideribus, ad Busta eius  
Copiosè profuderit  
à GLORIA impetrat immortalis  
Ut defuncti Nomen, tanquam Cœlo cognatum  
Insertum astris, & ad meliorem vitam reuocatum  
perenni donetur immortalitate.

Nunc age pullatos liceat decurrere Cœlos,  
Arcanoq; poli scrutari & prodere sensus  
Quæ noua sideribus facies? quæ causa tumultus?  
Quidue dolens stellata domus, superinduit atram  
Ignibus extinctis, velatoq; æthere noctem?

Luna



Luna serenatos turbavit pallida vultus  
Et maculas confessa genis, pudibunda cruentum  
Nescio quid lacrymans sinuavit cornibus orbem.  
Hinc Martis turbata domus, duplicatque severum  
Luctus iter valuis; illinc Cyllenia tecta  
Facundis festos extinguunt postibus ignes,  
Amissumque aliquid testantur squalida vultu,  
Astra latent obscura solo, fugiuntque videri  
Mæstus & insolitis concentibus insonat æther.  
Quid noctis Regina doles? quid sidera fletis?  
Quis dolor accensos extinguit flebilis ignes?  
Altraque luctifico plorant quem tristitia lessu?

Fortè pererratis Eoæ finibus oræ

Fraterno progressa toro, circumdata pulchro  
Agmine stellarum, latèque micantibus astris  
Cynthia Lechiacum biugis pulsabat Olympum  
Cognatasque domos, & amico Nomine iuncta  
Atria lustrabat, placidoque serenior ore  
Albentem terris spargebat prodiga lucem,  
Ac consanguineos longè venerata penates  
Viuite dicebat mea nomina viuite terris  
O DANILOVICII mea laus, mea cura, timorque  
Lechiaco lucete diu mea lumina cælo,  
Plenaque vos nostris superinferat ædibus ætas;  
Vos lunare iubar, vos nostri gloria prima  
Nominis, egregiis per vos mea nomina factis  
Textilibus lauris & festâ fronde coluntur.  
Vos me purpurei trabeatam luce Senatus  
Euectam solio sublimè locatis eburno  
Iuraque ferre datis, primasque capessere sedes;  
Vos quicunque mei terris celebrantur honores  
Vos facitis, lunam gemmis auroque notari,  
Viuite felices mea gloria viuite Fratres  
In serosque procul pariles transite Nepotes.  
Sic ibat niueis circumludentibus astris  
Sidereas inter lucas, & mille choreis.

Instrua

Instructas acies, plaudentisque orgia cæli  
Sæpè suas reuocans sociis comitantibus axem  
Spes DANILOVICIOS, & laudibus æthera complens.

Ecce vbi Russiacos tetigit properata triones  
VCHANIOS subiitque lares, prò triste repente  
Obriguit, tremulæque manu dimisit habenas,  
Audit elatas voces, lacrymasque gementium  
Flebilibus resonare Choris, tristesque cupressus  
Ingestas vidit tumulis, funestaque taxis  
Limina, & atratis completas luctibus ædes  
Templa urbemque graui turbari ac æthera luctu  
Deuotasque sibi sedes, tantoque superbam  
Funere, crudeles Nemesis iactare triumphos,  
Et sua letali detrudere Nomina busto  
In prædam spoliūque nouis affixa sepulchris,  
Noctem aliam infusam terris, aliaque fugari  
Luce, sepulchrali quam præfert turba theatro,  
Tum propior patulas vbi terris admouet aures  
Et solitum remoratur iter, loroque iugales  
Defleat, vitreum rorans lacrymantibus imbrem  
Cornibus, & tristi maculosum fronte colorem  
Accumulans, taboque genas suffusa madentes,  
Efferi videt, ecce domo letale cadauer  
Defletumque diu geminari flebile PETRI  
Nomen, & accensis exanguia corpora bustis  
Imponi, patriæque simul spes ponè locari  
Ingemuit tantæ cladis superata dolore  
Stillaruntque nouo circumflua lumina nimbo  
O mihi fatalis dixit locus, o mihi iam tot  
Funeribus damnisque grauis, qui tot mea condis  
Nomina, totque tegis lucas mortalibus vmbis,  
Heu lacrymæ! quam triste polis, quam lugubre terris  
Nomen, honoratis quondam splendoribus orbi  
Et titulis illustre suis PETRE occidis! o spes,  
O mea laus PETRE! o Cælestis gloria magna  
Nominis, o nunquam terris reparabile damnum

Sicne



Sicne cadis? sic Te mihi inexorabilis aufert  
 Antropos, zuique immatura scidère sorores  
 Licía, quid non ausa manus! prò quanta Polono  
 Lux extincta solo, Regum populi que voluptas  
 In tumulum rapitur, quis tristitia vulnera casus  
 Attulit? unde manus fatis tam certa nocendi?  
 Quale decus Generis, quales venerabile marmor  
 Cepit opes Patriæ, quantum quam parua recondit  
 Tumba virum, cineresque tegit lacrymabilis urna.  
 Nam quid ego veteres Maiorum ex ordine Ceras  
 Enumerem? Regumque suos ab origine Patres  
 Deducam? Quid longâ posteritate nepotes  
 Plenaque decurram Lechæa volumina fastis  
 Quis **DANILOWICIVM** genus, aut quis nesciat ortum?  
 Virtutesque virosque Ducum memorabile germen?  
 Heroas dignè memoret quis sanguinis huius?  
 Bellacesque animas? quis pectora fæta Gradiuo  
 Et centum pro laude piis commissa periculis  
 Seu quos Sueciacis virtus exercita bellis;  
 Seu quos Odrysiis Magnos, Scythicisque triumphis  
 Fecit, & æternis inscripsit nomina fastis  
 Intemerata fides, proprioque litata cruore  
 Gloria, & hostili deuota cadauera leto  
 Quanta fides probitasque viris, quam candida semper  
 In patriam pietas, quam constans zelus honesti  
 Atque propagandæ ardor Religionis auitæ,  
 Vos ego Cælicolæ vos conscia sidera testor,  
 Vos Diuorum ædes, & magni templa Tonantis  
**LOIOLÆQVÆ** Ducis Socij, cætusque piorum,  
 Quanta viris pietas, quis honor, cultusque sacrorum  
 Postera quem totis narrabant sæcula lustris.  
 Digna quibus famularer ego, dignissima tantis  
 Nomina stemmatibus Cælestia sidera vestris.  
 Meta sed ipse grauis Tu nostri **PETRE** doloris  
 Tuque meum vulnus, nigræ solennia pompæ  
 Feraleque rogos cuius nunc eminus orba

Intueor,

Intueor, mæstoque ardentia funera luxu,  
 Et Libitinæo circum atria plena colore.  
 Heu quantus tibi Leche dolor, quantumque sepulchro  
 Infertur columen fractum, spes quanta futuri  
 Luminis, ille tuus terror **GVS TAVÆ** pudendus.  
 Et formidatum bellorum nomen in armis,  
 Nunc illustre iubar, virtus nunc æmula Patris  
 Intercepta cadit: meritis iam Lechia cuius  
 Supremos pridem meditata parabat honores  
 Purpureusque cui referabat limina **Consus**.  
 Quem prensabat honos, cuique ancillata merenti  
 Virtuti fortuna comes, quæsitus honorum  
 Qui tot erat titulis, quot nec sperare liceret  
 Fortè aliis, vno quem virtus fratre secundum  
 Fecerat, & pulchris instruxit pectora factis.  
 Quid referam placidos seruato pondere mores?  
 Quid Maiestatem Generis vultusque modestam  
 Fortunâ crescente licet, raramque superbis  
 Temperiem titulis, demissaque pectora: nempe  
 Nescia mens hominum fati, tortisque futuræ  
 Et seruare modum rebus sublata secundis:  
 Illum seposito collecta modestia fastu  
 Fecerat acclinem recto, scelerique verendum  
 Et benè damnatis inuictum erroribus hostem.  
 Iam quis amor iusti? veri quis candor? honesti  
 Quæ ratio fuerit? quæ sancti cura pudoris?  
 Gratia quæ dictis? animo quam nulla senectus  
 Nullus inersque fuit torpor Menti! ô quot in vno  
 Lucra viro, quot damna luo? date sidera lessum  
 Ferte parentales ad busta affinia flammæ  
 Partiri liceat lacrymas, fatique dolorem  
 Namque & vos eadem clades, quæ me afficit vnam.  
 Dixerat, ast illi, iam pridem consona tristes  
 Astra parant luctus, Generis sua lumina tanti.

PRIMUM



PRIMUM

E duobus Gentilitiæ LVNÆ sideribus

FACVNDI SIDVS ESSE PLANETÆ

Suspiciari meritò licet.

VT POTE

Salubribus & disertis Consiliis, Sapientiâque  
Domus Illustrissimæ.

ILLE ERGO

Qui vicinior alijs LVNÆ in cœlo steterat

*In Perillustri ac Magnifico Domino,*

D. PETRO DE ZVROW

DANIŁOWICZ

TOGATOS PATRIÆ DEFLET CIVES.

**E** Lata qualis surgit in arduo  
Idæa quercus vertice, brachiis  
Complexa sylvam, despicitque  
Syluigenum sociata cœlo  
Vulgus, minorum gloria Cuium  
Latè mouentùm turbine frondium  
Minata terris, vestra Fauni  
Oreadumque Chori, voluptas.  
Quam murmurantùm garrulus alitum  
Frequens salutat grex, & in æmulis  
Hæret susurris, quam serenis  
Aura levis Zephyris flagellat,  
Quamue è remoto Cespite languidus  
Laudat viator vota que concipit  
Viam fatigatus sub vmbris  
Blandiuolis releuare ventis.

Hæc

Hæc si colonum victa bipennibus  
Latè ruinam fecerit, obuias  
Frangatque sylvas, & nouellis  
Mors veniat violenta plantis;  
Evisceratam si Notus Africo  
Pugnax potenti truserit impetu  
Heu quanta clades quamue tristis  
Arboreo venit illa regno,  
Deflent cadentem culmina gloriam  
Deflentque ciues, tristis igitur fragor  
Timorque sylvas peruagatus  
Quo pauidæ gemuere valles:  
Tàm mæsta regno Lechiaco venit  
Hæc vestra clades, ô decus Imperi,  
Et ipse Poloni, Lux togatæ  
O DANIŁOVICII Coronæ,  
Talem minatur vestra Poloniæ  
Strages ruinam, fataque liuida  
Terrent pauentem, quando tantum  
Vos columnen rapiunt seueræ  
Regno sorores, quando salubribus  
Votis Senatus, totaque Lechia  
Propinqua fatis, quando vestris  
Consiliis viduatur orba,  
Quis vos dolenti carmine lumina  
Exæquet orbis? quis satis eluat  
Fons lacrymantùm luctuosa  
Heu Patriæ decorum sepulchra,  
Acerba fatis impulit hæc quoque  
Ruina Lechi tristibus æthera,  
Cælumque rumor tam nefastus  
Luctificis penetrauit alis,  
Te PETRE tanti gloria Nominis  
Pullata deflet Regia Consili  
Vicina quem iam purpuratis  
Fascibus & soliis Senatus

Virtus



Virtus adultum fecerat, ipsaque  
Ambiuit alto sanguine purpura  
Clarere terris, diuitisque  
Ingenij celebrata suada  
Nitere Lechis, cui specialius  
Ego disertis impluerim labris  
Facunda nostri dona amoris,  
Maior & eloquio resedi  
Maiorque Musis, immiserabilis  
Sed Parca risit vota petentium  
Deflete fatum lacrymasque  
Siderei geminate Ciues.

ALTERVM

Gentilitiæ LVNÆ iubar socium  
MARTEM PLACET DICERE

VT POTE  
Bellicosissimæ DANILOWICIORVM Domus,  
QVI NVNC

*In Perilluſtri ac Magnifico Domino,*

D. PETRO DE ZVROW  
DANIŁOWICZ  
SAGATOS DEPLORAT PATRIÆ CIVES.

Tantumne fatis flebilis Impert  
Datum, seueris? nulla ferociæ  
Lex? nulla virtus, obstinatum  
Vi reprimet Cataphracta ferrum?

Ignara

Ignara pulchræ pectora gloriæ  
Aequabit vnus dura necessitas  
Fati? sepulchralique saxo  
Degeneres sociabit illis  
Quos bellicosæ gloria laureæ  
Iubet perennes viuere, & inclyta  
Virtus triumphantum Coronis  
Adnumerat, meritisque nomen  
Insignit astris, sic reuerentia,  
Nostri cruentis nulla sororibus?  
Sic inter ignauos triumphis  
Nullus honor superest Gradiui?  
Emancipari vos pereuntium  
Decebat omni lege superstites  
O magna Lechæ Trionis  
Laus DANILOWICZ, perennes  
Decebat orbi viuere Lechico  
Omni solutos funere, prodiga  
Quos mens cruoris laureato  
Pulchra tulit super astra Curru.  
Depræliantum quos Othomantica  
Sculpenda cælo bella super Tyram  
Cladesque Thracum, quos Triumpho  
Sarmatici cecinere magnos  
Quos sensit audax Moschus & arduo  
Fastum remisit pectore, cladibus  
Insignis orbi, Cynthiaque  
Depositis veneratus armis,  
Cum nuper alto pectoris impetu  
Adulta virtus, quam iuuenilibus  
Annis negasses, contumacem  
Frangeret armipotens SARMANVM  
Te te futuro gloria tempore  
Narranda semper, te puto Russiæ  
Perenne sidus, cum triumpho  
Et decorum pretiosus emptor

Bis



Bis terque pulchro vincere praelio  
 Montisque metas rumpere pertinax  
 Tabo cruentasti rebeli  
 Non animæ, propriique parcus  
 Victor cruoris, cumque cadaverum  
 Latè patentum funera sterneret  
 Bustisque figeret colossos  
 Perpetuæ monumenta famæ  
 Quid altioris lumina seculi  
 Longè recurram? te quid inanibus  
 Verbis renarrem lucuosæ  
 Scena mihi cinerata pompæ  
 Heu magna nostri gloria Nominis  
 Decrescis orbi! fortibus inuida  
 Clotho triumphis, pertinaci  
 In cineres furit irrepensos  
 Superba telo, Non ego lacrymis  
 Vobis parento, non miserabili  
 Sepulchra cantu plango, tristes  
 Ite procul procul ite Lessus  
 Vobis profuso sanguine marmora  
 Illacrymantur, vos super irrigat  
 Laborioso sudor amne,  
 Inferias agit ille vestras.

Talibus orabant, lacrymabanturque Planetæ  
 Cætera quis referat lugentia sidera cladem?  
 Flebilibus sociata choris, tristesque choraules.  
 Cum vitreas tergens lacrymas oculosque natantes  
 Cynthia Nubigenis niueo sic ore profatur.  
 Stat sua cuique dies breue & irreparabile tempus  
 Omnibus est vitæ, noctes obeuntque diesque.  
 Astraque, nec solidis prodest sua machina terris  
 Quid populos mortale genus, plebisque caducæ  
 Quis flectat interitus? sed vitam extendere factis

Hoc

Hoc virtutis opus. mæstas componite mentes  
 Siderei Proceres, non hic morietur inultus  
 Nec vitæ mortalis egens, quem viuida virtus  
 Aeternaturum melioribus inserit annis.  
 Busta licet subeat; non est quod Parca triumphæ  
 Scilicet ista tuo suberunt mea nomina ferro.  
 Dixit & intexto biugas vbi compulit auro  
 Neglectum festinat iter, rectaque Perennis  
 Limina sancta Deæ petiit, sine nube Penates.  
 Hic vbi perpetuant felices sidera soles  
 Nectit & æternos longæuis nexibus annos  
 Temporis indefessa Parens, risere pyropis  
 Atria purpureis, intus penetralia Diuæ  
 Pulchra repercusso radiarunt æmula Phœbo  
 Chrysolitis surgit paries, laquearia gemmas  
 Desudant teretes, celato ludit in auro  
 Chrysoprasus permixtus onyx, & concolor albo  
 Vena mari pingit niueis asarota figuris  
 Sub pedibus calcantur opes, nam defluus alto  
 Accumulat pretiosus honos noua lumina terris.  
 Quid veterum Ceras memorem? quid viua metallo  
 Heroum numerem pulcherrima facta notato?  
 Virtutumque typos, meritorum emblemata pulchris  
 Intertexta notis, desudatosque labores?  
 Ipsa Parens solio insignis, quam sancta sereno  
 Sole coronauit maiestas vndique Diuum.  
 Gratia perpetuo vernat pulcherrima vultu,  
 Forma verecundo distinguit labra corallo  
 Immortale decus, phrygio illi plurima floret  
 Purpura picta modo, mixtoque incenditur auro.  
 Pensilis aure tremuit pretiosi copia roris  
 Stillauitque caput gemmis, pectusque smaragdis.  
 Aula rotunda Deæ, septena volumina serpens  
 Implicuit, longamque vorax caudam ore momordit.  
 Huc ventum. Supplex Diuam venerata Perennem  
 Cynthia vota refert & sanctis supplicat auis

Vt



Vt DANILOWICIVM victuro Nomen in ære  
Et virtus animata auro tua PETRE notetur,  
Nec mora concessum. Surgit mox Conscia Fama  
Virtutis meritique Viri, quæ talia valuis  
Inscribit, Lunamque facit superesse perennem.

# LVNÆ ORIENTI

*Perillustris ac Magnifici Domini,*

D. PETRI DE ZVROW  
DANILEWICZ

## ELOGIVM I.

### CORONATVM

Sub Augusto Solem vidit Roma

### LVNAM POLONIA

Sub BOLESŁAO PVDICO.

In celeberrimo illo quondam Halicz Rege DANILO  
LVNAM inquam Tuam PETRE de ZUROW DANILEWICZ  
Quem

NICOLAI de Zurow Supremi Regni Thesaurarij Filium  
Superi ordinarunt.


Vt Te inter publicas opes Patria numeraret.

Dignum Coronæ Sidus

Vt pote mundo præesse natum

Digni

Digni Coronato DANILOWICII sidere  
Qui tot meritis & triumphis Patriam coronarunt  
Vt magis iam Aquila Polona LVNA hac  
quàm Sole oblectetur  
Sed & LVNA Sol nocturnus est  
Immo & diurnus vestra, Illustrissimi DANILOWICII.  
Qui Ortum & Occasum famâ compleuistis  
Expauit Othomanica LVNA  
In Polonia ortam sibi æmulam,  
Expauit inermis armatam.  
Non tam Gentilitiâ Sagittâ, quàm virtute  
Salutauit Orientem Lechia  
Quia - sibi salutarem.  
O digna amore LVNA quæ ortu suo Patriæ  
noctes in dies commutauit  
Duo illi adiecta Astra  
nimirum vt constaret  
Cognatam esse Altris Domum in qua virtus colitur  
Viq; LVNAM hanc astris esse curæ notaretur.  
Sed liceat & vos duo orba sidera  
CAROLE & VLADISŁAE  
huic præfigere LVNÆ  
quàm dessemus  
Quæ Eclipsatâ LVNA Parentis Vestri  
residuum lumen & leuamen superestis  
Lucete, lucete Patriæ pulchra lumina  
At quis locus Sagittæ inter Sidera?  
Pro cælo & cùm cælo pugnas innuit.  
O magnum cæli Lechici Phænomenon  
Tres aliquando Lunas orbi radiasse legimus  
Hanc vnâ noster non capit orbis.



LVNÆ



# LVNÆ CRESCENTI

## ELOGIVM II

Magnæ Virtutis Magni passus,  
Ignauum est initiis contentum esse,  
Magni animi seipsum etiam vincere velle,  
Claritatem Natalium a Maioribus accipere, Fortunæ est.  
Acceptam augere, Virtutis.  
Alienum illud est, hoc nostrum.

Hinc Vos

Illustrissimi **DANILOWICII**  
Nouilunare sidus accepistis, ut plenum virtute faceretis  
In qua progressus vester ille est  
Ut non ab alio nisi a vobis ipsis possitis superari  
Ut nec mirum sit

Si crescente Corpore creuit umbra  
Et magnam Virtutem Magni Honores sunt secuti.  
Benè sibi Honores Vestri prouiderunt Virtute parti.  
Qua sine Crescere, decrescere est  
Ipsa enim altitudo, nisi aliundè iuuetur  
E longinquo spectantibus decrescit.  
Quantumq; gloriæ merito,

tantum immerito dedecoris Honor adfert.  
Sed ad incrementa **LVNÆ** Vestræ redeo  
Idololatriæ fuit in aliis. **LVNAM** honorare  
Pietatis in Polonia est,

Immo & Iustitiæ.

Debitus Honor **LVNÆ** Vestræ.  
Debitus Vestræ duo Illustrissima Sydera  
**NICOLÆ & IOANNES**  
(nisi Parentis nomen malis ferre quem virtute refers)  
Supremi

Supremi Regni Thesaurarij  
In Deum & Patriam pietati.  
Debitus Vestræ Fortitudini Palatini **Russiæ**  
Et Vexilliferi **Leopolienfes**.  
Quid Te memorem Moschorum fulmen  
**STANISLÆ?**


Quem

Palatini **Russiæ** filium natura  
Nouum **Poloniæ** Herculem Virtus fecerat.  
Quid Virtuti Tuæ debebatur?  
Immo quid non debebatur?  
Nisi & Te Virtuti, & Virtutem Tibi  
Vtrumq; autem Honoribus fortuna inuidisset.  
Stillantem Lunam sanguine si nunquam Moschus viderat  
expertus est fundentem malo suo omine  
Felix ortu & incremento huius **LVNÆ** **Lechia**  
Infelix occasu.

Si occidisse dicendus qui famâ æternum viuet  
Non poterat **Scythica** Luna maiorem ferre æmulam  
ni truncasset  
Non poterat adorari  
ni prostrasset.

Sed hunc sua loquetur æternitas  
Te Perillustis **PETRE** de **ZVROW** Regni olim Incisor  
Quem nisi crudelis Parca incidisset  
Maioribus titulis grata meritorum ornasset Patria  
Cuius Nomen & Virtutem ipsi iam ambibant Honores  
Nisi Tu ipse maiorem duxisses Honorem  
Omnes mereri, paucos gerere.  
Maiusque Virtutum quàm Honorum incrementum  
esse crederes

Cresce in posteris superstes **LVNÆ**  
Si tamen est aliquid in quo Crescas



**LVNÆ**



# LVNÆ DECRESCENTI

ELOGIVM. III.

Magnitudinem molis, ruina docet  
Quæ magnarum molium magna semper est.  
Heu Polonia!

quantis obrueris ruinis  
Ad casum & occasum tantorum Nominum & luminum  
Heu LVNA DANIŁOWICIORVM Illustrissima!

tantum decrescis nobis  
quantum pullata Mors luminis aufert tui.  
Quamuis corrigo vocem

Etiam cū decrescis, Crescis  
Magnorum enim Virorum, maior interitus  
Vt Sol maior in occasu

Non minuitur ergo sed latet  
LVNA Tua nobis PETRE de ZVROW DANIŁOWICZ  
Sepulchralibus inclusa vmbri  
Sed nec latere potest  
quam virtus prodit

Corpora non Nomina Heroum moriuntur.  
Immortalem Natura si hominem fecisset  
Virtuti & Nomini Vestro derogasset ô magni Principes  
Qui nunc

Etiam dum morimini, Viuitis immortales  
Vt discrimen sit inter Vos & degeneres  
Quorū nomina eodē cum cadauere clauduntur marmore

Crescit igitur cum decrescit LVNA hæc  
Immo plena est cum ferali occasu eclipsatur  
Neq; enim eclipsari posset nisi plena

Suprema igitur hæc  
LVNÆ VESTRÆ Illustrissimi DANIŁOWICII  
inscribo verba

Etiam eclipsata lucebit.

# VOTVM

AB VNIVERSO ASTRORVM CHORO

PRO ILLVSTRISSIMO DOMINO

D. IOANNE NICOLAO

à Zurow

DANIŁOWICZ

SVPREMO REGNI THESAVRARIO

Aliisq;

PER ILLVSTRI BV S DANIŁOVICII S

Superstitibus

In Domo GLORIÆ immortalis  
FACTVM.

Q Vis ille flammæ prodigus aureæ  
Thronus coruseo lumine sanctior  
Effulsit intus? quem refracto  
Maior honos pretiosus auro  
Circum coronat, cui radiantibus  
Fulsere gemmis mista Corallia  
Quem sancta Maiestas sereno  
Irradiat cumulatione;  
Arsit pyropis Concolor igneis  
Insertus auro pulcher onyx graui  
Berillus ardentem pererrat  
Luce thronum, cumulatq; flammam.

Stat



Stat fulguranti fabrica sideri  
 Par, bracteatis æmula sedibus,  
 Stat inter Heroum Curules  
 Inter & emeritis Trophæa  
 Decreta factis; quam procul emicans  
 Circumstat Ordo longus Imaginum,  
 Longusque Patrum laureatis  
 Frondibus & trabeis superbus  
 Inter Polonæ Nomina Cynthiæ  
 Vestrasque luces: **o DANILOVICI**  
 Hinc inde Virtutum Phalanges  
 Rege vacans solium coronant.  
 Orditur agmen Diua Sororibus  
 Prælata vultu, sideribus velut  
 Dictinna præit Solq; stellis,  
 Religio cumulata multis  
 Signis fauorum, cui stetit ad latus  
 Vicinus oris Candor, & Æquitas  
 Amorq; recti, & prona semper  
 In Superos Patriamq; Virtus  
 Hinc blanda morum grataq; Comitæ  
 Cognata pulchræ Diua Modestæ  
 Hinc fracta Maiestas at inde  
 Luctificos miserata Casus  
 Pacata vultu fronteq; Lenitas,  
 Quam liberalis pectoris Hospita  
 Secuta Virtus, pulcher illis  
 Omnibus oris honos decorq;  
 Quis ille tanti muneris inclytus  
 Paratur Heres? quem solio Dea  
 Dignata tanto? cuius illam  
 Nectit Honor meritis Corollam?  
 Tibi Polonæ nobile purpuræ  
 Sidus futuri præmia temporis  
 Hæc sunt parata, te perenne  
 Iam Solium manet & Corona

Aeternitatis

Aeternitatis, Gloria **CYNTHIÆ**  
 Quæ prima nunc es, primaq; Nominis  
 Tanti superstes, Lechicoq;  
 Lux **DANILOVICIUM** Trioni.  
 Te te Phalanges hæ famulantium  
 Prodent futurum Pegmatis Hospitem  
 Et nota Virtutum Corona  
 Te solij Dominum salutat.  
 Te iam manenti Diua Perennitas  
 Inscribit æuo, Nomen & aureis  
 Magnæq; Virtutis Coronas  
 Associat tabulis Parentum.  
 At o voluti temporis Arbitra  
 O seculorum Mater, & omnium  
 Longæua rerum vita, magnis  
 Vna viris meritisque merces,  
 Da longiori fata superstitem  
 Serò requirant inuida seculo  
 Hoc occidentis damna **LVNÆ**  
 Lechiaco reparentur Orbi.  
 Pollux redemptus funere Castoris  
 Viuat Polono, quem sua Faustitas  
 Iurata semper lætiori  
 Perpetuet comitata passu.  
 Et Vos Polonæ Semina Gloriæ,  
 Æterna nostri lumina Sideris,  
 Aequæ **MAIORVM** nitores  
 Perpetuis radiata **LVNIS**.









